

საჯარო სამართლის იურიდიული პირი
ილიას სახელმწიფო უნივერსიტეტი
მეცნიერებათა და ხელოვნების ფაკულტეტი



ბრძანება

N 984-03
22/07/2024

ქ. თბილისი

2024-2025 სასწავლო წლის შემოდგომის სემესტრისათვის ილიას სახელმწიფო უნივერსიტეტის მეცნიერებათა და ხელოვნების ფაკულტეტის სამაგისტრო პროგრამაზე „ცოცხალი თეატრის ხელოვნება: დადგმა და თამაში“ სწავლის გაგრძელების მსურველთა მიერ წარმოსადგენი დოკუმენტაციის, საბუთების მიღებისა და შიდასაუნივერსიტეტო გამოცდების თარიღების დამტკიცების შესახებ

უმაღლესი განათლების შესახებ საქართველოს კანონის 29-ე მუხლის მე-3 პუნქტის „ე“ ქვეპუნქტის, საქართველოს განათლებისა და მეცნიერების მინისტრის 2013 წლის 11 სექტემბრის N 134/ნ ბრძანებით დამტკიცებული „საჯარო სამართლის იურიდიული პირის ილიას სახელმწიფო უნივერსიტეტის“ წესდების 26-ე მუხლის მე-3 პუნქტის საფუძველზე, ილიას სახელმწიფო უნივერსიტეტის რექტორის 2024 წლის 18 ივლისის N 971-03 ბრძანების მე-3 პუნქტის გათვალისწინებით

ვბრძანებ

1. ილიას სახელმწიფო უნივერსიტეტის რექტორის 2024 წლის 18 ივლისის №971-03 ბრძანების მე-3 პუნქტის გათვალისწინებით, 2024-2025 სასწავლო წლის შემოდგომის სემესტრისათვის ილიას სახელმწიფო უნივერსიტეტის მეცნიერებათა და ხელოვნების ფაკულტეტის სამაგისტრო პროგრამაზე „ცოცხალი თეატრის ხელოვნება: დადგმა და თამაში“ გამოცხადებული მიღების ფარგლებში, მაგისტრანტობის კანდიდატებმა უნდა გააკეთონ ელექტრონული განაცხადი 2024 წლის 12 აგვისტოდან 30 აგვისტოს 18:00 საათის ჩათვლით, რეგისტრაციის ბაზის საშუალებით შემდეგ ბმულზე:

<https://argus.iliauni.edu.ge/ka/registration/masters>

2. ბმულზე რეგისტრაციისას აპლიკანტმა უნდა ატვირთოს:

ა) უმაღლესი განათლების დამადასტურებელი დოკუმენტის (დიპლომი) ასლი. უცხოეთში მიღებული უმაღლესი განათლების შემთხვევაში – განათლების ხარისხის განვითარების ეროვნული ცენტრის მიერ გაცემული განათლების აღიარების დოკუმენტი;

ბ) მაგისტრანტობის კანდიდატმა, რომელსაც უმაღლეს საგანმანათლებლო დაწესებულებაში ჩარიცხვის მომენტისათვის არ გააჩნია კანონმდებლობით დადგენილი წესით აღიარებული აკადემიური უმაღლესი განათლების დამადასტურებელი დოკუმენტი (დიპლომი), შესაძლოა წარმოადგინოს უმაღლესი საგანმანათლებლო

დაწესებულების მიერ ბაკალავრის აკადემიური ხარისხის მინიჭების თაობაზე გაცემული ცნობა, რომელშიც მითითებული უნდა იყოს კვალიფიკაციის მინიჭების შესახებ გადაწყვეტილების (ოქმის) ნომერი და თარიღი იმ პირობით, რომ ჩარიცხვიდან ერთი სემესტრის დასრულებამდე წარმოადგენს კანონმდებლობით დადგენილი წესით აღიარებულ აკადემიური უმაღლესი განათლების დამადასტურებელ დოკუმენტს – დიპლომს;

გ) 1 ფოტოსურათი ზომით 3X4;

დ) პირადობის დამადასტურებელი მოწმობისა ან პასპორტის ასლი;

ე) სამხედრო აღრიცხვაზე ყოფნის დამადასტურებელი დოკუმენტი (მხოლოდ საქართველოს მოქალაქე ვაჟებისთვის);

ვ) შემოქმედებითი რეზიუმე;

ზ)პორტფოლიო, რომელიც მოიცავს შემოქმედებითი საქმიანობის დასაბუთებას (ფოტო-ვიდეო მასალა, შესაბამისი ბმულები და ა.შ.);

თ) სამოტივაციო წერილი;

ი) თანხმობა საგამოცდო პროცესის ჩანაწერზე, რომელსაც გამოიყენებენ აპელაციის პროცედურებისთვის.

3. ინფორმაცია 2024-2025 სასწავლო წლის შემოდგომის სემესტრისათვის ილიას სახელმწიფო უნივერსიტეტის მეცნიერებათა და ხელოვნების ფაკულტეტის სამაგისტრო პროგრამაზე „ცოცხალი თეატრის ხელოვნება: დადგმა და თამაში“, სწავლის გაგრძელების მსურველთა მიერ წარმოსადგენი დოკუმენტაციის, საბუთების მიღების, შიდასაუნივერსიტეტო გამოცდების თარიღებისა და პროგრამებზე მიღების მოთხოვნებისა და შეფასების სისტემის დოკუმენტები განთავსდეს ილიაუნის ვებ-გვერდზე არაუგვიანეს 2 აგვისტოსი, ხოლო დეტალური ინფორმაცია მაგისტრანტობის კანდიდატთა სიების, გამოცდების ზუსტი თარიღებისა და საგამოცდო აუდიტორიების მითითებით – არაუგვიანეს 31 აგვისტოსი;

4.2024-2025 სასწავლო წლის შემოდგომის სემესტრისათვის ილიას სახელმწიფო უნივერსიტეტის მეცნიერებათა და ხელოვნების ფაკულტეტის სამაგისტრო პროგრამაზე „ცოცხალი თეატრის ხელოვნება: დადგმა და თამაში“ სწავლის გაგრძელების მსურველი, რეგისტრაციაგავლილი კანდიდატებისათვის შიდასაუნივერსიტეტო საგამოცდო პერიოდი აპელაციის პერიოდის ჩათვლით განისაზღვროს 2024 წლის 2 სექტემბრიდან 13 სექტემბრის ჩათვლით დანართის 1 შესაბამისად.

5. გამოცდებგავლილ მაგისტრანტობის კანდიდატთა შეფასებები, საიდენტიფიკაციო კოდის მითითებით, განთავდეს უნივერსიტეტის ვებ-გვერდზე არაუგვიანეს 2024 წლის 13 სექტემბრისა.

6. 2024 წლის 14 სექტემბერს საზოგადოებასთან ურთიერთობის სამსახურს მიეწოდოს გამოცდებგავლილ მაგისტრანტობის კანდიდატთა შეფასებები, აპელაციის შედეგების გათვალისწინებითა და საიდენტიფიკაციო კოდის მითითებით, ასევე რეიტინგული სია უნივერსიტეტის ვებ-გვერდზე განთავსების მიზნით;

7. ხელშეკრულებების გაფორმება მაგისტრანტობის იმ კანდიდატებთან, რომლებმაც წარმატებით გაიარეს ერთიანი სამაგისტრო და შიდასაუნივერსიტეტო გამოცდები და რეიტინგული სიის მიხედვით მოიპოვეს ილიას სახელმწიფო უნივერსიტეტის სამაგისტრო საფეხურზე სწავლის გაგრძელების უფლება, განხორციელდეს 2024 წლის 14 სექტემბრიდან 18 სექტემბრის 12:00 საათამდე (მისამართი: ილია ჭავჭავაძის გამზ. №32):

ა) ძირითადი სიის წარმომადგენლებთან ხელშეკრულების გაფორმება იწარმოებს 14, 15 და 16 სექტემბერს.

ბ) სათადარიგო სიის წარმომადგენლებთან ხელშეკრულების გაფორმება იწარმოებს 17 და 18 სექტემბრის 12:00 საათამდე.

8. მაგისტრანტობის კანდიდატმა ხელშეკრულების გასაფორმებლად უნდა წარმოადგინოს რეგისტრაციის ბაზაში ატვირთული ყველა დოკუმენტი და დამატებით ქვემოთ ჩამოთვლილი დოკუმენტები, ასევე, თან უნდა იქონიოს პირადობის დამადასტურებელი დოკუმენტის ორიგინალი:

ა) უმაღლესი განათლების დამადასტურებელი დოკუმენტის – დიპლომის საწოტარო წესით დამოწმებული ასლი. უცხოეთში მიღებული უმაღლესი განათლების შემთხვევაში – განათლების ხარისხის განვითარების ეროვნული ცენტრის მიერ გაცემული განათლების აღიარების დოკუმენტი;

ბ) მაგისტრანტობის კანდიდატმა, რომელსაც უმაღლეს საგანმანათლებლო დაწესებულებაში ჩარიცხვის მომენტისათვის არ გააჩნია კანონმდებლობით დადგენილი წესით აღიარებული აკადემიური უმაღლესი განათლების დამადასტურებელი დოკუმენტი – დიპლომი, წარმოადგინოს უმაღლესი საგანმანათლებლო დაწესებულების მიერ ბაკალავრის აკადემიური ხარისხის მინიჭების თაობაზე გაცემული ცნობა, სადაც მითითებულ უნდა იყოს კვალიფიკაციის მინიჭების შესახებ გადაწყვეტილების (ოქმის) ნომერი და თარიღი იმ პირობით, რომ ჩარიცხვიდან ერთი სემესტრის დასრულებამდე წარმოადგენს კანონმდებლობით დადგენილი წესით აღიარებულ აკადემიური უმაღლესი განათლების დამადასტურებელ დოკუმენტს – დიპლომს;

გ) ხელშეკრულებაზე ხელმოწერის მიზნით საბუთების მინდობილი პირის მიერ წარმოდგენის შემთხვევაში, მინდობილმა პირმა უნდა წარმოადგინოს საწოტარო წესით გაფორმებული მინდობილობა;

დ) ფაკულტეტის მოთხოვნის შემთხვევაში, სსიპ განათლების ხარისხის განვითარების ეროვნული ცენტრის მიერ გაცემული საგანმანათლებლო დოკუმენტის ნამდვილობის დადასტურების დოკუმენტი;

ე) 1 ფოტოსურათი ზომით 3X4

9. უნივერსიტეტის კანცელარიას დაევალოს, მიაწოდოს ამ ბრძანების ასლები რექტორის სამდივნოს, საზოგადოებასთან ურთიერთობის სამსახურს, ხარისხის უზრუნველყოფის სამსახურს, იურიდიულ სამსახურს, მეცნიერებათა და ხელოვნების ფაკულტეტს.

ნინო მატარაძე

ნ. მატარაძე

დეკანი

